

KOBLENZ

Lewensfraid

Lewensfraid es Lewenswärze,
die dä Alldaach schmackhaft micht,
es dä Sonneschein em Herze,
fier die Seel' dat helle Licht.

Lewensfraid die kimmt von enne,
wierd von außē nur befrucht';
Lewensfraid die moß mer trenne,
stets von der Vergnejungssucht.

Wer sich noch an klaine Sache,
wie e Kend erfreue kann,
annere Mensche fruh doht mache,
die me'm Teef zo kämpfe han.

Wer sich harmlos noch kann freue,
en dem bonte Narrenklaid;
onsem Brauchtum hält die Treue,
dä besetzt och Lewensfraid.

Morje es dä Daach der Möhne!
Haus, Herd, Botzlomp, die han Roh.
Euch ihr Männer, Freunde, Söhne,
roofe ich deshalb jetzt zo:

„Soocht net gleich aus Ängst dat Weite,
wenn die Möhne sein off Trapp;
loßt euch scheen dä Schlips abschneide,
Hals, dä schneid' kain Möhn euch ab!“

Katharina Schaaf

26. 2. 1981 Kath. Schaaf